



**MILWAUKEE
PUBLIC SCHOOLS**

Mee 7, 2021

Hélou, MPS Foribar ókkol,

Háas fónna sárvis ore manúic házir oi forér ar zará onlain ot lagatar forizádde eskuilla fuwain ólor foribar or hédayot ólla ciñçi íyan lekír. Eskul bildhíng bon tákar cómot, Milwaukee Pablík Eskuls (MPS) é maazúr cóho eskuilla fuwain béggun ólla onlain sárvis mouka ókkol or lagatar nozorsáni, beetorgora, ar anjamdiyát ase. Soloman amól iinor notiza hísafe, 2020-21 eskul bosór ot abaiaram or taásir or harone eskuilla fuwain ólor zorurot mozin sárvis ókkol di nofarér yáto behazór óile MPS é Wisconsin Department of Public Instruction (Wisconsin Páblík Hédayot or Dhípaáthmén) (DPI) or hédayotnama mani soliyóre bodóilla sárvis yáto ezáfa sárvis ókkol hóddur zorurot óibou íyan MPS é sínta bafa gori záibou. Zonfóti eskuilla fuwain dólla aléda báfe fáisela iin goribou.

IEP Sárvis, Taalukat Sárvis, Gairrewayoti Sárvis, ar Hémayot ókkol Kaayemgora

Maazur noide eskuilla fuwain ólore manúic házir oi yáto onlain ot fónnar foribólla MPS é diyéde sárvis ókkol béggin maazur eskuilla fuwain óllolla o tákibou. Ezáfa hísafe diboude sárvis ólore, hóbar, mikdar, ar thaim cóho, IEP ít líis goribou. Ezáfa sárvis ólor ektiyar ot eskul thaim ot, eskul thaim or age/fore, sámar programmíng or cómot, ar/yáto eskul-háas fórar secén ólor sárvis ókkol cámil tákibou.

Onlain ot léka forár ektiyar goijjéde foribar ólolla, eskuilla fuwa óle tarár IEP ír moksót hásel gorat modót boni cómaji zoriya ókkol loi raabeta boçái farefán górot táki gori faréde hashórmo ókkol machthor ar sapóuth estháff óle lagatar dizaibou. Oñnor eskuilla fuwa loi ham gorédde machthor ar haás sárvis estháff membór ókkol ottu oónor fuwar zorurot or munaséf haás zoriya ókkol aró oñnor fémlir faáida óde cómaji zoriya ókkol tákit fare.

IEP Míthíng

DPI ér hédayotnama mutabek MPS é bosór harbari IEP míthíng ókkol lagatar gorizaibou. IEP ír míthíng or cómot, ehón zéttot eskul ókkol abar kúille, zorurot mozin bodóilla sárvis yáto ezáfa sárvis ókkol hóddúr lagibou íyan thiím óle sínta goribou. Ezáfa sárvis ólor babote mocuwara goribólla fémlí óle zehonó thaim ot IEP thiím míthíng or arós gori faribou. Maabaf/garjén or rezamondi loi haás taalimi machthor e fún yáto onlain fláthfóom or maiddóme míthíng thík goribólla IEP ír thiím membór loi ham goribou. Ehónor thaim ot muámmikka míthíng or ejazót nai.

Oñne zodi fuwar maazuri loi haás súwal aséde maabaf/garjén óile, meerbanigori oñnor eskuilla fuwar IEP ír machthor yáto haás taalimi negeranigoroíya loi zukazuk goijjo, yáto Department of Specialized Services (Haás Sárvis Dhípaáthmén) loi 414-438-3648 ot kóll diyo.

Taalim ot córikdar boinnóde íyan ólla oñnore cúkuriya.

Dil or Sáte,

Jennifer Mims-Howell
Acting Chief Academic Officer (Adakari Royis Taalimi Ofisár)